



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCXXXIV. De Morte ferè quingentorum Lethovvinorum.

**urn:nbn:de:hbz:466:1-11850**

statim iter redeundi sunt aggressi. Fratres verò de Raganita turbati de interitu suorum, futurum periculum præcaventes, miserant nuncios, qui vias custodirent, quorum unus cum festinatione reversus, ait: Se prædictos latrunculos vidisse. Unde frater Ludovicus de Libencele & Fr. Marquardus de Revelinge cum duobus fratribus & XXVI. armigeris secuti, invaserunt eos in quodam campo & XXV. ex eis occiderunt.

## CAP. CCXXXIV.

De

### Morte ferè quingentorum Lethovvinorum.

Eodem anno & tempore (a) Sesbuto Lethovvinus cum quingentis viris præelectis intravit Poloniam, & præter multa mala, quæ ibidem gessit, duxit secum tam hominum quam aliarum rerum magnam prædam. Ille Sesbuto licet esset cum infidelibus, occulte tamen dilexit fratres, antequam exiret cum isto exercitu, præmunivit eos. Unde Magister fratrem Henricum (b) Zutsvert XXIX. fratres cum MCC. viris misit eis in occursum, qui venientes in solitudinem inter duos flavios scil. (c) Liccam & (d) Naram per octo dies ipsos cum magno tædio & defectu victualium expectabant. Tandem dum revertentes essent in vicino, primus Lethovvinus in acie misâ sorte clamavit: Væ nobis male ibit negotium nostrum, quem Capitaneus increpavit, ut taceret. Ille autem non cessavit id ipsum clamare, quousque fratres cum suis de insidiis erumpentes infilirent in eos, & (e) CCCL. ex ipsis occiderent, alii fugerent, & in solitudine quidam præ tristitia se suspenderunt, reliqui siti & fame attriti moriebantur, sic quod pauci sine mortis periculo evaserunt.

ANI-

Conradus de Feuchtwangen X. Mag. Gen. Ord. Teuton.  
Meneko de Quersfurt XII. Mag. Provincie in Prussia

ANIMADVERSIONES.

- (a) Jeisbutte habet Jeroschinus, alii Jesbute.
- (b) Zuleswerth habet Jeroschinus & Chron. M. S. Germ. antiq. in 4.
- (c) Malè Kojalovicius legit *Eleam*. Licca enim fluvius, quem Licca opidum auctorem sui nominis nuncupat, notissimus est, influitque in Narvam.
- (d) Narva fluvius Masovia, qui se in vistulam exonerat.
- (e) Alia Chronica habent CCCC.

CAP. CCXXXV.

De

*Consolatione fratrum & Christi  
fidelium.*

**H**Oc tempore antequam idem Exercitus fratrum obtentâ victoria rediret, frater Meneko Magister cum quibusdam Præceptoribus sedit sollicitus de Exercitu prædicto, quia longam moram contraxerat ultra tempore debitum redeundi, turbatusque de morte Commendatoris de Raganita & suorum, & cum sic tristes conferrent ad invicem, venit nuncius, qui dixit, quod fratres de Raganita XXV. latrunculos occidissent; Adhuc illo loquente intravit secundus, qui cum victoria redire fratrum Exercitum affirmabat. Vix iste verba finierat, & supervenit tertius, qui quendam Principem, qui voluit, ut communiter refereretur, sibi Pruschia terram ejectis fratribus subjugare, mortuum nunciat. Gavisi sunt ergò Magister & fratres gaudio magno, & immensas gratias DEO, qui consolatur suos in omni tribulatione de tot beneficiis, referabant. Ecce quomodo justo DEI Judicio mundus, qui ante gaudebat, turbatur, & fratrum tristitia in gaudium est conversa.

CAP.